

Entsa Tunu Naa Nuka Chulla Bain, Muba Mubain Tsatsangenuu Deechu Detave Ti’ Tsandi Depañu Kuinda

PEEPUNDU AJKE’ PALAA

Diciembre chu’chaya’ paitya malu Ashtu manchishtaapaipatsa’ taapaichunga

Entsa Tsandi Depañu Kuinda, chai tinbutala yumaa 360 vee vee panu palaachi depillave. Entsa tunu naaju kiika’ mityaba entsa kiikaa naa naaju palaachi bain kayu pillave, tsa’ mitya juntsarenmika waintsuve ti kiika juju’ naaju uraḡu bain’ kumuinchi entsa tunu chullachi.

AJKE’ PALAA

Urama kerakeḡu chachi dejutu naaju naa-i kera’ taatu inuu juḡu bain tsaatalaa dekerā, tseḡm’in ti deechu juutala bain naaju chachilla bain tsaren deechu deta, ne mainnaa deechu chipake ne ḡuya tsaa deechu tajtaa ti’ mujchi, entsa tu kuraa nuka bain, muba bulla jiḡtyu ti kendenḡuba kenu, naa kavitu juu bain mika ura’ deechu kavitu, tseḡminnaa tiba bulla jutyu mika sunden chunu judeeshu juntsa entsatalaa llatinaḡu juve tya’ mitya.

Entsa tunu naa nuka chUlla bain, muba mu bain tsatsangenuu deechu detanu paatetala kerajtu mijtu, tseḡmin balenguretyu jatsa’ ne keraanchiren, tituba deke’ firuke’ cha’ tansha pensachiya ura kinjutyuu mayujpeyaa kemu deeve tya’ mitya. Tseḡmin chachillachee ti ju’ ba juntsaa kayu mutyanu tsuve tya’ juuḡunge ke’ umaa entsa ajkeshaa entsa tunu naaju chachilla bainmatenbiyaa pensa depire’, naa yala’ jeetyanu pensa bain depireke’ matyu naa tyenaaju patindya’ ba tsaa depa’ sunden dechun’u, tseḡmin ne tinu keengikenu tya’ bain tsaanu dekeenge’ sunden dechunu, tinbu jantsuve tya’ mitya.

Entsa tunu naa nuka chulla bain, muba mubain tsatsangenuu deechu jumunu tyeeba juḡu narake uukaren tsangenu tya’, rnatyu tsangenchingenuu juve tya’ juntsa uukaanu ma Deechu juuḡuu deḡive, tseḡmalaa matyu tituba deke’ firudeke’ menaa teraaḡu detanāu keḡu bain, matyu chachilla ne tyui-eraiḡu-i’ naakin tsandya’ ti’ mityaba juntsaren juune juntsa kai’ tala kayu vera ne juu jutyu, juntsa miḡuren juu de’ajaatsetuware’ tsaa pebulu kujpa’ i’. balelanu vingendejutyuve tya’ mitya.

Tseḡmin tsangenchingenuu juve tya’ naaju tuutala bain naatala juuḡunge taatu kenuu kikaanu tyeeba juḡu awakaren tsangikaanu juve tya’ mitya.

Naciones Unidas-nu shilli denashu juntsa pebulula kumuinchiren tsandi depa’ jungajte tsange deshuikeḡu Kiikanu, ura uwain tsaanu juve ti’ dekeenge’ matyu chachi jutu ti deechu tadeeḡu bain juntsatala uwain tsaave ti’ tseḡmin chachi juḡu naa-i kera’ taatu inuu juḡu bain tsaatala bain tsaanu juve ti’ dekeenge’ tseḡmin chachi jutu naaju baledeḡu bain tsadeeve ti’ tsange dekeenge’ shuike’ naa ti deechu juuchi bain unbeerukula bain su pula bain tsaren deechu detave tya’ mitya. Tseḡmin kumuinchiren naake’ bain tsangenchiren kenu ti’ ma tsangenui deshuwa’ matyu naaju cha’ bululanu bain ne tyeeba dejuḡu shu’kikaren tsange’ awakare’ naa ura’ chunchi bain kayu ura’ chunuu tiba bulla jutyu ura’ chunuu detirenu ti’ tsai deshuwa’ mitya.

Naaju chachilla bain tsangenuu deechu tadeeshu juntsatala tseḡmin naaju chachilla bain muba tsanguityude tindetyu ti kendya’ ba tsangenuu judeeshu juntsatala, ura tsangenchin kidaa ti’ ma tsai depa-ake’ tsai deshuwamu Estados Miembros-la, juntsa Naciones Unidas Organización-ba buluren tsangenuu deshuwa’ mitya, tseḡmin

Kumuinchi enu tsandi depa’ tsange deshuikeḡu ura uwain juntsangenuu jushu juntsaa naa mubain enu paḡu deechu judeeshu juntsanu, tseḡmin naa mun ti kenu tya’ bain tiba bulla jutyuren tsangenuu judeeshu juntsatala, matyu muba mubain naajuḡu bain ne veevee aseetangi’ mujchi tsaren aseetangenuu dejuve, ti’ mitya.

muba mubain mijanu detsu

Asamblea General

entsandive

Entsa Tunu Naa Nuka Chulla Bain, Muba Mubain Tsatsangenuu Deechu Detave Ti’ Tsandi Depañu Kuinda

Kumuinchi chachilla, naa naaju tu paatesha bain nuka’ baasa matyu pudengura deengenu dejuve juntsa pensa’ mityaren, tseḡmalaa mun juju’ bain, naa naaju bale ya juula bain juntsanun dajkake pensange’ tsangenuke deke’ demijakare’ uwain tsaamiḡu detyakare’, matyu entsa deechu júdeeshu juntsatala, tseḡmin muba bulla jutyu ti kendenḡuba tsangenuu judeeshu juntsala bain narake uukaakiḡunge’ juntsadeke’ tyeeba juḡu narake deengaren tsangenu dejuve naa naaketaa tsangenuu juḡu bain juntsa naa uwanu bain awakóakentsuḡungetu ne entsa lala’ tu juusharen jujutyu, vee mujtu naa nuka’ baasa vee paatesha bain, tsange’ entsa deechunu naatiḡu bain tu kuraa juntsa ura uwain tsadekikaanu ne Estados Miembros judeeshu juntsa chachilla’ chundalanujutyu, naa yala’ tu juusha yaichi uuden-in chumu tu judeeshu juntsatala bain.

Artículo 1

Naaju chachilla bain mu’ chachilla bain na kayatu tichiba bulla jutyu naakendya’ ba kenu deechu taa na kayamu deju, tseḡminya, naaju juḡu bain ne tsaave ti’, uukavinu jutyu naa, tideechu juuchi bain, mubain mubain tsaren dejuve, tseḡmin shilli pensangenu pude deju’. mitya, tseḡn)lin ura’ kendu bain ura’ kendyu’ bain mide’ mitya muba mu bain veta’ veta’ ura’ keewaawaa kenuu dejuve.

Artículo 2

Ti deechu juu bain, naa ti kikenu tyai’ bain tsatsangenuu pude deeve ti’ tsandi depa’ entsa tsange deshuikeḡu Tsandi Depañu Kuindanu pudeeshu juntsanu mu’ chachilla bain tsatsangenuu deechu detanave; naa tinuba keetadi’ ne tsaave ti’ mujchi, ne vee chachee ti’ mujehi, ne vee muehiḡa puuve ti’ mujehi, ne Iḡupuve supuve ti’ mujehi, ne tsaa palaaya pamuve ti’ mujehi, ne tsaa dios-naa keengimuve ti’ mujehi, ne titalaba keetadi’ ne tsaave ti’ na’ baasa pamuve ti’ mujehl. Tsandityu’ bain, kayu tinuuḡuba ne nunbaku baake’eetadi’ ne tsaave ti’ mujehi, ne tsaa chachilla deeve ti’ mujehi, ne lushi tanutala keetadi’ mujchi, ne naa-i na kayamuḡuba tsaatala keetadi’ mujehi, ne ti juu ne vera juutala keetadi’ mujehi, naaju ehaçilla bain tsaren deeehu detanave.

Tseḡmiren, naa tinuba keetadi’ ne tsaave ti’ mujchi, ne titalaba kata’ ne tsaóve ti’ papatimu tunaa eh uve ti’ mujehi, naa ne kavitu iinuutalama punamu tunaa chuve ti’ mujchi, ne na’ baasa baasha vee paate tutala demi’tekare’ dekerā’ ne tsaave ti’ mujehi. Tsajutyu’ ba ne veelaehi uuden ityu tushaa ehumuve ti’ mujehi, tsajutyu’ ba ne veelaehi uuden-i’ bulu ne washaimu, maali pudejtu, ne veelachi menaa teraaḡu tunaa ehuve ti’ mujehi, tsajutyu’ bain ne ya’ tunuren uudengenu pudejtu’ ne jatsaave tinu tunaa chuve ti’ mujehi.

Artículo 3

Naaju ehaçi bain ehaçi tiya’ ehunu deeehu tave, naa muehiba bulla jutyu ti kendya’ ba kenuu deeehu bain tave, tseḡ, min ya ehaçi jutu ya’ bulunu tituba ikutinjutyu deeehu bain tave.

Artículo 4

Naa mubain veelaehēe uuden-i’ tikesa tyāḡuba tsatsangemu, maali tigendya’ ba tsangenu deeehu tajtu ehaçi junu dejutyuve, naa ne veelaehēe ti bain ke’ kuwa kuwa kemu ehaçi jundejutyuve; Ne veelaehēe uuden-i’ tikesa tyāḡuba tsatsangemu, maali tigendya’ ba tsangenu deeehu tajtu paatetala ti’ mityaba naake’ ba tsangenu jutyuve ti’ ma pillaaev.

Artículo 5

Naa mubain kaya’ bandapurai’ tituba ikutinuū dejutyuve, naa ne kuipavikuti’ tsaityu’ ba na’ baasa de’ ikuti’ ne chacheeba jutyu debadan tsai’ ^atenbiyai’ mayujp-eyainu dejutyuve.

Artículo 6

Naa mubain chachi jumulaya naa nuka bainnutsa patesha bain deechu detave ya nukaa chumu’ bain juntsa ya’ deechu.

Artículo 7

Ley ajushaya naa mu bain mabarejun dejuve, tseḡmin naa tinuba keetadi’ ne tsaave ti’ mujchiren naaju ley-chi bain manbarejuren bale-ikutyānuu deechu detave.

Naa mu bain tsaren bale-ikutyānuu deechu detave entsa Tsandi Depañu Kuindanu punashu juntsa deechu pillalanu ne jatsa’ kure’ tujle’ firu dekinmala. Naa ne tsange’ jatsa’ kure’ tsangenjutyu’ bain ma tsangenuke firu’ dekeewaaḡu bain, naa juntsatala bain tsar`n bale-ikutyānuu deechu detave.

Artículo 8

Nutsa bale chachilla’ ajusha bain, nutsa bale yatala bain, ya’ chunu tu sukunu aa bale chumula’ jungaya tyēengitaa naakitaa lave’kakutinu ju’ bain tsaa mi’kenu deechu tadeeve naaju chachilla bain. Tsaj:lge’ yachi tsamantsa bale deechu, Constitución kiikanupillaashu juntsa deechu juuḡu bain, naa ley-nu pumu deechu juulanu bain firu’ kenu dekenmalaya, bale-ikutinuu deechu tadeeve.

Artículo 9

Tsangenu’ jutyuunun tituba ke’ mijaindyu peresu kaki, ne peresu viinu, tsaityu’ ba ya’ tusha kalare’ era’ vee mujtu nepiwarainuu dejutyuve, mubain.

Artículo 10

Naa ju chachilla bain, ne faata’ uyudiba i’ mujchi parejuren juunu ju’ tsaren deechu detave, munuba bale jutyu kejtaa uyunañu namu balela’ ajuusha, cha’ kejtsapaatala maali balela’ depa’ meedikuti’ ura’ deechu kavitu ikutinu, ne yanu daran feete’ kuipa pu’ kavitu kenu paate juutala, naa ne ya’ deechu juutala, tsangityu’ba ne ya titalaa tsatsangenu jutyuñu bain; tsaatala detyashnu kuindatala.

Artículo 11

Mun firu’ keve ti’ “pakaya-i’ bain, ura uwain tsangeve ti’ entsange keewarendetyuya uwain kuipave tikayanjutyu deechu tave; ley-nu naatiñu bain juntsanu keetaditu tsenmin ura uwain narai kavitu ikutitu, naa tinu bain yaa naa-i balelanu’ kiñu bain tsaatala ne dedaakaanu ke’ne firu kindetyu ma narai kavitu ikutitu.

Naa mubain faata vi’ kuipa viinuu dejutyuve ne tiinuba kike tsangetyu’ba kikenuu junuren ne kityuu ju’ bain juntsa tsangenu tinbutala ne ya’chunu aa tu sukunu tsaityu’ba vee mujtu vee tusha Deechu jumulachi ti kuipa vinuu kuinda jutyuwaashu juntsaya. Tsenmin ti faateru kike’ kuipa vi’ i’ bain, juntsa tsangenu tinbunu nai kuipa vinuu juñu bain juntsa kuiparen viinuu juve, ne juntsanu yapa viinuu jutyuve.

Artkulo12

Naa mu bain tsangenuu jutyunuren tituba ke’ ne ya naaju ti ken chumuñu bain nee tsaatala na’ baasa kikutinu’ jutyuve, naa ne ya’ bulu chachillanu juu bain, ne ya’ ya juutala bain, ne yachin juu kiika juutala bain, naa ne ya tyee juñu bain ne tsaa dajka chachi juunu bain, tsaatala ne firu’ pakutyainuu jutyuve. Naa ju chachilla bain entsa tsaa tituba deke’ tituba depanu keñu tsaachi la’kakutyainuu ley-chi bale ikutinu deechu detave.

Artículo 13

Naa ju chachilla bain ya’ chunu aa tu sukunuya muba daatadindetyuren nuka ji’nendya’ bain, ne nuka ya ke’chudindya’ bain tsangenu deechu tave.

Naa ju chachilla bain nuka ya’ aa tu sukunu lu’ ji’ vee mujtu baasha tusha ji’-i’ manen bene ya’ chunu tusha maanu ty’a’ bain tsainu deechu detave.

Artículo 14

Tengai’tu tituba kenu ty’a’ deesuuke’ firu kenu dekinmala, naa mubain, vee tusha vee paatesha lu’ji’ nepiya’ nemuyu ti’ pa’ junga chunu deechu tave.

Entsa deechu juushu juntsa naake’ ne tsaave ti’ juntsanu paka’ balelantsaanu juve, ne ti faateru juu juntsan mitya kuipa viinu faateru ne juuba jushu juntsaya, tsaityu’ bain Naciones Unidas ti kikenu tyatuaa tsenminnaa naati patuaa tsangeñu bain juntsanu shilijtushu juntsaya.

Artículo 15

Mubain juntsa tushaa chumuyu juntsa chachee juyu tyanu deechu detave.

Naa munu bain tsangenu’ jutyuunun kidandake’ ya nutsa tushaa chumuñu bain ti chachiñu bain tsajutyuve ti’ juntsa deechu chi’kenu dejutyuve. Tsenmin ne nutsa tusha chumu ju’ ne ti chachi ju’ vera’ mandiyainu tyañu bain muba

Artículo 16

Unbeerukula supulabain, yumaa pallu buudi’ chunu tinbu ishu juntsaa, ne tsaa chachee ti’ mujchi, ne juntsa tusha chumu juntsa chachee ti’ mujchi,’ ne tsaanuaa keengimaa ti’ mujchi pallu debuudi’ yaitene ma bulu chachi tinu deechu detave; tsa’-i’ manbarejuu deechu detave pallu debuudi’ chutu titi kenuu juunu bain, tsenmin bulu chungamaya naa.ne mavelainu ki’ bain tsaren deechu detave.

Bene yaiterie demutya’ ya’ ruku ya’ shinbu tiyariuu judeeshu jUhtsala tsai’ buudi’ chulaya yaitene muba tsaide tindetyu ti kendu’ba nara miren tsai’ buudi’ chunu judeeve.

Naa ju tsamantsa aa bulu chachilla’ kejtsapaatala bain, pallu detiya’ ma bulu paande imu chachillaa, ti ju’ba matyu kayu bale, juntsan jutyuya naaken tsaju. Juntsala naa juntsa .tsamantsa aa bulu chachillachi bain, naa nutsa tusha chuñu juntsa tusha washnamu balelachi bain tsaren la’kaya’ washkekutinu deechu detave.

Artículo 17

Mu’ chachi bain ne tyeeanaaju tadinu ty’a’ bain yachin juu bain, naa ne velaba debuudi’ tadinu ty’a’ bain tsangenuu deechu tave.

Naa munu bain tsangenu’ jutyuunun kidandake’ ya tyeeanaaju tañu bain juntsa tajtuke pajtenu dejutyuve.

Artículo 18

Mu’ chachilla bain muba bulla jutyu naake pensangendya’ba, naake maali ya’ mishusha manbake’merandya’ba ne naake keengikenu ty’a’ba tsangenu deechu detave. Entsa deechu tsaren deechu kumuve, naa ne ya’ keenginu tsuminu mavete’ vera’ mangeengikenu tyañu bain, tsaityu’ba ne muba tsangide’ tindetyuren maaliren ya tinuaa keengimu’ bain juntsa ne maali, tsaityu’ba veelaba debuudi’ wanditinu ty’a’ bain tsangenu deechu. tave. Entsa tsandinu pudeve cha’ kejtsapaatala, tsandityumee maalindala juntsa ya’ keenginu mijakaanu, tsangikaanu, tsaa chachiyu titu, titi kenu juñu bain juntsangikaanu, tsenmin tyeeanaajaa tsangenjutyuu juñu bain juntsa wainnu.

Artículo 19

Naa ju chachilla bain muba bulla jutyu naati pandya’ba, naake keewaanu ty’a’ba tsangenu deechu detave; entsa deechu ne ya tsandi paa ti’ juntsan mitya ne yanu bulla kee dekinu keñu la’kamu deechuve. Tsenmin ne tinaaju tyashi’ keekinú ty’a’ bain, naa ne ti kuinda juu mijainu ty’a’ bain, tsai’ demija’ tichiba daakarajtu, daatadijtu ne ti kike’ demijakaakenu ty’a’ bain tsangenu deechuve.

Artículo 20

Mu’ chachi. bain matyu tsangindyamiya muba bulla jutyu, ura’kenufiru kénu jutyu, naa-i wandindya’ba ne naa-i buudindya’ba tsangenu deechu tave.

Naa mu bain tsaa mutyai’ mujchiren deranchi buutekarainuu jutyuve.

Artículo 21

Naa ju chachilla bain lu’tsa’ tusha juntsa ya’ aa tu sukunu washnamu bale tinu yaibain tsaren deechu detave bale lunu kenu. Ura yarenma luinu ketu, tsangetyu’ba muba tsangide tindetyuren ya’ mitya veelanu dete’lare’ eetu.

Naa ju chachilla bain lu’tsa’ tusha, juntsa ya’ aa tu suku juusha, tichiba faata’ kurai’ mujchi manbafejuren bale chachi tinu deechu detave.

Cha’ paatala washke’ uudengenu juushu juntsa kumuinchi chachilla naadetiñuba, tyeeengenu detyañuba, juntsanaa ti ju’ba llatinañuu juuve. Tsa’ mitya juntsa naadetiñ-tyeeengenu detyañu juuñuu jumiya naa uwanu bain tinbu tinbu bale chachi mande’lare’ chuchungaanuu dejuve, kumuinchi chachilla dewa’di’ dete’laatu. Matyu munaa te’laandu bain kiika petsenu maaliren mii chi’kaketu, tsangety)J’ba naane vera’ juu kike’ bairi naa uwanuba kumuinchi dewa’di’ te’laalaakenuu deechu pirei’ mujchi.

Artículo 22

Tsamantsa aa cha’ bulu kejtsapaatala tsejnamu chachide’ mitya, naaju chachilla bain, chachi jutu naa-i washkekutinu juñu bain tsaa deechu detave. Tsenmin ya’chunu tu sukunu naa kayu vee paatesha baasha aa tu suku jumula bain tsaren bulu dedeenge’, urama patiñuya ya’ chunu tu sukunu naaju derade’ bain, ne tiren taju’ bain juntsa tsaanchi ura’ kekutyannu dejuve naaju chachilla bain, ne lushi paatechi juu, ne chachi dejutu tsaa paatechi juu, ne tyeeengemu chachi juju’ bain tsaa paatechi. Ya chachi jutu naa-i balenguranuu juñu bain, tsenrnin ya naaju ne ti chachi juju’ bain juntsaa tiinuba awakaren tsangenu ju’ mitya juntsatalaa deechu tave.

Artículo 23

Naa ju chachilla bain taawasha kenu deechu detave, ne ti taawashan kikenu ty’a’ bain tsangenu pude deeve; naa muba mubain tsaren taawashanuya ne vera’ taatu ii-i’ mujchi sundya’ kenuu taawasha kenu dejuve. Tsenmin taawasha tajtushu juntsaa, tsaan mitya la’kayanuu deechu detave, taawasha tajtun mitya.

Naa ju chachilla bain ne tituba ikutya’ delandyulla’ ne jatsai keraba i’ mujchi tsaren lushi kanuu deechu detave, tsaren manbarejuu taawasha ken mitya.

Naa ju chachilla bain taawasha kimulaya deechu detave, mika sunden tsaren manbarejuu lushi kanu. Tsange’ matyu juntsa taawasha kemunu ura’ chujmin naa ya’ paande chachillanu bain ura’ chushmingenu, matyu ya chachi jutu naaju ura’ chunuu dejuñu bainjuntsangetu. Tsangenu keñu ti ne jayu faata’ juuñu bain, chachi deenú naake la’kanuu juñu bain tsaa miñu demi’ke’ kayu ura’ kenuu dejuve.

Naa ju chachilla bain yala’ kehu ts’uminu, ne yala’ mutyanu tsuminu uukaakeñungenu veelaba debuudi’ naakitaa juntsanu deelanu ju’ bain tsangenu buudinu deechu detave.

Artículo 24

Naa ju chachilla bain lekanu deechu. detave, sunden malu puinu deechu detave. Ne ti taawasha juunu bain, shilli pensangike’ tsantsa bare’ taawasha juu kenu deechu bain detave. Tsenmin tinbu tinbu leka’ naa juntsa tsange’ lekandu bain lushi kanuu deechu detave.

Artículo 25

Naa ju chachilla bain naa itaa ura’ chunu ju nu bain tsaa ura’ chunu deechu detave. Tsange’ naa ya’ paande chachillanu bain, naa tiba jutyu dilujtu chunu paatetala bain, naa tichi bain tiba jutyu sunden chunu paatetala bain, tsaa chunu deechu detave. Ma patinuya pandatala, jai pannutala, chunu yatala, ne dilutu tsaanchi mi chachillanu mityakinutala, tsemin yala chachi deenu tsadeeve ti’ tichi la’ kakenuu ju nu bain kumuinchi juntsa tsaanchi ura’ kekutyannu deechu detave. Tsemin tengai’ tu taawasha tajtu tiyaiba ishu juntsaa, naa ne diluiba ishu juntsaa, ne tiinuba i’ tala’ lakachin neeba tiyaishu juntsaa, ne kamainna ruku/supu tiyaiba ishu juntsaa, ne deruku’ taawasha ketyuiba tishu juntsaa, tsemin ne ya maaliya tsaa mi’ kebangindiyuren tsaa de’ i’ ya naakitaa lushi laremuwa’ bain juntsa tajtui tishu juntsaya tsaalanu la’ kanuu balelachin tsa deshiikara lushi uukare’ tana nu lushinchi la’ kakutyannu juve.

Nakaya paate juu, ne piyaaa atyutyu kailla judeeshu juntsalanu juu bain, naa-i washkanuu ju nu bain, ne munuba tsange uusundenna ketyuwa’ bain yalanuya tsange ura’ keena’ washkenuu deechuma juuve. Naa ju kailla bain, naa nepallu debuudi’ chu nu faleke, naa ne ishui kailla juju’ bain, chachi dejutu naa-i washkanuu ju nu bain, naa-i la’ kayannu ju nu bain tsaanchi deechu detave.

Artículo 26

Naa ju chachilla bain kiika mijanu deechu detave. Naa mikama mijtuuyu ti’ bain jayu pudenbera mijakaraya t’ lba paa jutyu, tiba peedi i’ mujchi kiika mijanu’ deechu detave naajula bain. Jayu pudenbera mijanuya naa mubain deranchi ma tyuisurai’ mijanuma judeeve. Ti mijakara bain, tsaanchi milan miinu mijakara bain, naa kiikachi .mi chachilla detirenu ki’ bain juntsa mijakara naa munuba demijakaakenuu ju nu juve. Tsemin kiika minchiren nunba kai’ shaluinuu juushu junga vinu bain, muchi bain tsaren ne juunu juve, main main ya naaju pude’ kera nuba juntsanu keetaditu.

Kiika mijanchijuushu juntsa ma patinmalaya, chachi dejutu yanai kera nuba ya naa ju nuba jun. tsa tyeeba ju nu awakaren tsanganaa juve. Tsemin entsa tunu naa nuka chulla bain, muba mu bain tsatsangenuu deechu jumunu, naa chachi dejutu tyeeanaa jun kikendya’ bain tsangenuu deechu judeeshu juntsatalaa, tyeeba ju nu puulawaren tsange’ juntsa dekeetadi’ juntsangikaanaa juve kiika mijanchi juushu juntsa. Tsemin kiika mijanchi tyeeba ju’ ura’ kentsange’ kayu narake aseetangikaanaa juve, naa ne veta’ veta’ te’ ajaavijutyu, tsemin naa nutsa tu paatesha bain, nutsa tu paatetala bain kayu uusundya’ debuudi’ ura’ kikaanaa juve. Naa ne vee vee chachi deju’ bain tsaatala uusundya’ debuudinu, tsemin ne vee vee kerangemu deju’ bain tiba jutyuuren uusundya’ debuudinu kikaanaa juve. Tsemin Naciones Unidas’ taawasha tyeeba ju nu awakaren tsange’ nuka bain peletu jutyu sunden chu ju taawasha juushu juntsanu, juntsangikaanaa juve.

Mu’ mityaba apalaa deechu detave tina; ju kiika mijakara juu mijakaraa ya’ kaillanu mijakaanu ju nu bain.

Artículo 27

Naa ju chachilla bain lu’ tsa’ chunu tenanu ne ti juu ti kikemu judeenu bain tsaatala kive’ nu ya bain ne tsangichi tyatu tsangenu deechu tave. Ne ti juu uukeraa kikemu deenu bain naa ne tiinuba tyashi’ mijainunge’ tsamantsa muba keenbashnuu kideki nu bain, ya bain tsaren juntsatala kive’ nuu deechu tave, naa ne tsaanchi tinaa ju kadeki nu bain ya bain tsaren deechu tave kave’ nu.

Naa ju chachilla bain la’ kakutinnu deechu detave ya tyee kemu juju’ bain ya’ pensa, naa ya’ ke nu katawadeishu juntsa juutala bain la’ kakutinu deechu tave, ne yaa tiin. lba tyashi’ mi’ ke’ tsaanuve ti’ katamu juju’ bain, naa ne kiika pillanchi juu ke’ faawareke’ bain, naa ne uu keraa kike’ bain, yaa tsaa kemushu juntsaa, juntsatala la’ kakutinnu deechu tave.

Artículo 28

Ura uwain chachilla naadekisa tyanu bain tsange deshiikaanu, tsemin matyu vee mujtu baa tusha bain tsange deshiikaasa ty’ tsange deshiikaakaanu deechu detave naaju chachilla bain. Entsa Tsandi Depa nu Kuindanu pudeeshu juntsa, ti kenden nuba tsangenu dejaa ti’ mubain mubain tsangenu deechu detaa tishu juntsanu, ura uwain tsangikaanu deechu detanave, naaju chachilla bain.

Artículo 29

Naa ju chachilla bain, ya’ chunu tenanu tinu bain keetadi’ tin kikenu ju nu bain tsaatala mika keedinu juve, nejtu nu junaa ya muba bulla jutyu, ya ti ne juju’ bain Kumuinchi juntsa, ne tyeeba ju’ awakaren tsangenu ju’ mitya.

Matyu main titi kenu deechu ta’ bain juntsa deke’, naa tyeeanaajaa muba bulla jutyu ke’ sundyanuu ju’ bain juntsa kenutala tsangendu tichiba daakara nu jutyu tsangendu’ bain, daakara nuu timiya, veela’ deechu bain, naa veela bain yaibain muchiba’ bulla jutyu ti kendya’ ba tsangenutala, tsaa kikaari ley riaati nuba juntsanu keetaditaa daakara nu tinu juve. Tsemin tsamantsa aa bulu paande juu nuu mubain tsaren deechu deta kejtapaatala naake pensang’ emu deenu bain juntsanu keeditu, naa chachi dejutu riaa-i taatu ke’ shili chunu de ju nu bain tsaanu dekeetaditaa, daakara nu tinu juve main.

Entsa deechu judeeshu juntsa bain, tsemin naa muba bulla jutyu tikenden nuba tsangenu judeeshu juntsatala bain, naake’ ne Naciones Unidas tikikenu tyatuaa tsemin naa naati patuaa tsange nu bain juntsanu shilijtushu juntsaya, ne juntsanu masmi’ kenu pudende jutyuve.

Artículo 30

Entsa Tsandi Depa nu Kuindanu pilla deeshu juntsa, naaki’ ba naati’ ba, ne ma aa tu sukunu, tsaityu’ ba ma bulú chachillanu, tsaityu’ ba ma chachinu, jatsange de’ aseetange’ ne enu pilla deeshu juntsa deechu manbirekenu kike, ne ti kenden nuba muba bulla jutyu tsangenu judeeshu juntsatala bain, entsa Tsandi Depa nu Kuindanu mamushakenu aseetangenuu dejutyuve, naa mubain.